

DIE XXV. JUNII.
IN FESTO
SANCTI GULIELMI ABBATIS.
DUPLEX.

Omnia de Communi Confessoris non Pontificis
 præter sequentia.

Oratio.

DEus, qui infirmitati nostræ ad terendum salutis viam in sanctis tuis exemplum, & præsidium collocasti: da nobis, ita beati Gulielmi Abbatis merita venerari, ut ejusdem excipiamus suffragia, & vestigia prosequamur. Per Dominum nostrum Jesum Christum Filium tuum.

In primo Nocturno.

Lectiões de libro Sapientiæ.

Justus si morte.

In secundo Nocturno.

Lectio iv.

Gulielmus Nobilibus Parentibus Vercellis in Insúbria natus, vix quartum decimum ætatis annum expléverat, cum miro quodam pietatis ardore flagrans Compostellanam peregrinationem ad
 ce-

celebérrimum sancti Jacóbi templum aggréssus est. Quod iter una amictus túnica, ac dúplici férreo círculo præcinctus, nudisque pédibus prosecútus, aspérrima frígoris, & æstus, famis, & sitis summo cum vitæ discrímine perpéssus est incómoda. Réversus in Itáliam, novam ad Sanctum Dómini sepúlchrum peregrinationem molitur; sed quóminus propósitum exequatur, vária, atque gravíssima intercédunt impediménta, divíno Númine ad altióra, & sanctióra religiósam juvenis índolem retrahente. Porró in Solículo Monte biénnum inter assíduas preces, vigílias, chamaúnnias, & jejúnia commoratus; divína sub-

níxus ope, cæco lumen restítuit, cujus miráculi fama percrebescénte jam Guliélmus latére non póterat; quare iterum Hierosólymam cógitat, & álacris se itinéri commíttit. R. Honéstum.

Lectio v.

DEi autem mónitu, qui eidem apparuit, á propósito revocatur, utilior, ac fructuosior tam apud Italos, quam apud éxteras Nationes futurus. Tum Monastérium in Virgiliáni Montis Cacúmine, quod deínde vírginis est appellátum, loco áspero, & inaccessó miranda exædificat celeritáte. Socios deínde viros, & Religiósos adscíscit, eosque ad vivéndi normam

Evan-

Evangelicis præceptis, & consiliis summopere accommodatam; tum certis legibus, ex beati Benedicti institutis magna ex parte desumptis, tum verbo, & sanctissimis vitæ exemplis informat. R. Amavit.

Lectio vj.

Aliis deinde Monasteriis erectis, clarius in dies Gulielmi facta sanctitas, multos ad eum undique viros perducit; sanctitatis odore, & miraculorum fama allectos. Nam muti loquelam, surdi auditum, aridi vigorem, variisque, & immedicabili morbo laborantes, sanitatem ipsius intercessionem receperunt. Aquam in vinum convertit, aliaque complura mirabilia

patravit; inter quæ illud non silendum, quod Muliercula ad ejus castitatem tentandam missa, in ardentibus prunis humi stratis illæsum se volutavit. De qua re certior factus Rogérius Neapolis Rex in summam viri Dei venerationem adducitur. Demum tempore sui obitus Regi, aliisque prænuntiato, innumeris virtutibus, & miraculis clarus obdormivit in Domino, anno salutis millésimo centésimo quadragésimo secundo.

R. Iste homo.

In tertio Nocturno.

Homilia in Evangelium. Ecce nos reliquimus omnia, de Communi Abbatum. Missa, Os justi, de Comm. Abbatum. Oratio propria ut supra.

DE-

DECRETUM URBIS ET ORBIS.

CUm Serenissimus Sardiniae Rex per suas pecu-
 liares litteras Sanctissimo Domino nostro Pio
 Papæ VI. non minùs pié, quam enixé supplicaverit
 pro extensione ad utrumque Clerum Ecclesiae univer-
 salis Officii, & Missæ de Communi Confess. non
 Pontif. cum oratione, & lectionibus secundi Noctur-
 ni propriis; nunc denuo de mandato Sanctitatis suæ
 revisis, & correctis sancti Gulielmi Abbatis Funda-
 toris Benedictinæ Congregationis Montis Virginis;
 Sanctitas sua benigné precibus annuens, audito etiam
 R. P. Carolo Erskine Fidei Promotore, ad relatio-
 nem mei infrascripti Secretarii, petitum Officium, &
 Missam recitand. ac celebrand. singulis annis die vi-
 gesima quinta Junii in memoriam ejusdem S. Guliel-
 mi Abbatis ab omnibus tam secularibus quam Re-
 gularibus utriusque sexus Christi fidelibus, qui ad
 Horas Canonicas tenentur, sub ritu duplici minori,
 servata tamen Rubricarum dispositione, præcepit.
 Die 24 Augusti 1785.

J. Card. Archinto, Præfectus.

Loco ✠ Sigilli.

Julius Maria de Somalia S. R. C.
 Secretarius.

Se hallará en casa de Joaquin Minguet.